



GETHSEMANI RÂWL

(Monthly Prayer Bulletin of Hmar Christian Fellowship Delhi)

Volume No. II | Issue No. 11 | November (Thlaphal), 2024

'Ienga khawm lunginzing naw ro, iengkimah jawngtai le hniin, lawmthu hril sa peiin, in dithai chu Pathien kuomah inhriettirin um lem raw se' (Filippi 4:6)

Pathien kuoma jawngtaina chu duthusâm hril le inzâwt el hi a'n nawh. Ei biek Pathien chu Thlarau (Johan 4:24) ani leiin Thlarau le lungril taka biepwaw dinga inpâwlpui a ngai a. Mihriem hin lungril kawidara Pathien bieka jawngtai harsa ei ti tlat hi thil mak tak chu a nih. Asanchu, Pathien biepwaw tak tak dinga lungril taka Pathien ei pâwl hi Setanin a theida êm leiin, mâni ditudân le peichin chara Pathien pâwla, jawngtai dingin lungril a thunun hlak a nih.

Ringtu taphawt chu jawngtai naw ei um ring a um naw a, amiruokchu Pathien kut themchâng khawpin thilthaw-theina ei nei am ti ruokchu ei hlamsie rawp hlak a nih. Setan hin jawngtai a phal naw a'n naw a, Thlaraua Pathien ei biekwawp hi a nih, a phal naw lem chu. Chuleiin thabona, ngaisamna, inthladâna hmangin ei lungril thunun a tuma, Pathien biepwaw loa hadam taka mi'n jawngtai tir rawp a tum hlak. Jawngtai ve râna Pathien Thlarau pâwlna thar dawng lo hin kum tamtak a mi dawntlei tâwl ta leiin, Pathien le inpâwlna ngaina bek bek lo, Thlaraua siemtharna beisei hran chuongloin, lungâwitakin nun ei khal ei khal chu ani tak. Setan hin jawngtai theinghil lo dingin ami'n um tira. Ei ngai pawimaw rêng a, amiruokchu Pathien biepwawp hringnun rinumzie ruokchu ei nei phâk nawh. Bat thungzo hadam châwl angin, hringnun a châwla. Sûngril Thlaraua châwl hadamna tak tak neiloin, ei mihriemna a lien êm êm rân el hlak. Hosea 7:14 ei en chun, an khum laizawlah an chierinthluok mei mei a nih a tia. Pathien Thlarau themchâng phak talo jawngtaina, duthusam le a tha ti po inzâwt jawngtaina hi, Pathien ngaia chun chierinthluok mei mei ei lo nih. Taksa le Thlaraua thatpui bêk bêk ngaina a um nawh. Thlaraua Pathien ei pâwl phak hun peiah jawngtai pawimaw zie ei nuna a fie zuol pei hlak a nih.

DAMNAW THENKHATHAJ TA DJN

•*Pi Linda Chhangte, chemotherapy thaw hmabak mek* •*Pu Isaac Hmar, Thymoma operation nei ding* •*Pu Ringlien Pakhuongte, Pu Sanglor Pakhuongte, Pi Deliver, Pu Sieka Singson, cancer anthawkan dam peina din*

01.11.2024 (Zirtâwpni)

- Inchûklai le competitive exam. ding haiin tuta thla sùng an inchûkna tha taka an thaw theina ding le exam. tha taka an nei theina din.
- Sawrkâr le private-a sinthawtuhai khawmin tuta thla sùng hin sin tha taka an thaw seng theina din
- Mimal sumdâwngtuhai khawmin hlâwk le tluong taka hma an lâk theina din
- Ei khawtlângah vântlâng hrisêlna tha a umna din.

02.11.2024 (Inrinnei)

- Vawisûn hin HCFD Beiruol Intuokkhâwm taksa le thlarauah hlâwkpuina tam tak neia hmang ani theina din-Thuoiu: Pastor El Darngawn, Hritlângna (Zawna le dawna thangin): Pastor Lalsiesang Zote, Sermon: Upa Dr. Lalsiemlien Pulamte, Testimony Sharing & Action Plan: Pastor Steven L. Infimate, Mani Inhlân Tharna: Pastor Lalditsak Inbuon, Ruoi Inhlanna le Hun Khar Jawngtaina: Pastor Lalthlanglien Sungte

03.11.2024 (Pathienni)

- HCFD Naupang Sunday School Department: I. Vawisûn hin Naupang Sunday School Day taksa le thlarauah hlâwkpuina tam tak neia hmang ani theina din II. Naupanghai le hotuhaiin taksa hrisêlna tha an nei theina ding le naupanghai taksa le Pathien thu hrietna kawngah an inthanglien peina din.

04.11.2024 (Thawtanni)

- Tuta thla HCFD Chawibiek Inkhâwm huna West Delhi Vengbuk a'nthawka usher ding haiin (Tv. Albert Chawngsanglur (Leader), Tv. Ramsiemlien Thiek, Tv. Joseph Lalringum, Tv. Joseph Amo, Tv. Ngamrothang, Tv. Steve Sungte, Tv. Eric Khawbung, Tv. Zion Faiheng, Tv. Mesak, Tv. Paul, Tv. Jeremiah, Tv. Lalthuoisang Pulamte, Nk. Irene Infimate (Lead-

er), Nk. Annie Pulamte, Nk. Pricilla Faihriem, Nk. Lalrohlû, Nk. Cathy Khawbung, Nk. Jennifer, Nk. Kimbuong} an rawngbâwlna tha taka an phursuok theina din.

05.11.2024 (Thawleni)

- Shikohabad, UP Mission Field: I. Evan. Pramod Kumar hai nupa le Evan. Paozamuan hai nupa Lalpa'n vênghima rawngbawlna hring tak an nei peina din. II. Mi tharhai (new contact) lungrilah Pathienin sin thaw a, sandamna an changna din: i. Ramanan le Kalabati hai nupa ii. Sashi Kapur le Maharani hai nupa; le iii. Rani Devi hai sùngkuo (mi pariet).

- Vawizân hin HCFD Sunday School Lesson 12 (Daniel 12:1-13) enlâwkna Vêngbuk Bible Study Thuoiutuhaiin hlâwkalka an nei theina din.

06.11.2024 (Nilaini)

- HCFD Nilaini Zân Jawngtai Inkhâwm-Inkhâwm Keihruoiu: Pu Jacob Shakum, Thuhriltu: Pu Thanglalmuon Hrangchal
- Mahipalpur Hindi Service khawm a fe tluong peia Pathien kuomah lawmthu hril zingin Kohran det tak a ngir theina ding le ringthar an pung peina din.

07.11.2024 (Ningani)

- India rama sukdûdâna tuok ringtu thenkhat ta din: Oct. 1, 2024 khan Hardoi (UP) a Pastor Narendra Kumar le a unaupa'n sùng inkhâwm an nei lai police-in an man. Oct. 3, 2024 khan sakhua inletna thil le inzawma indiklo taka intumin police-in kristien paruk Jaunpur (UP)-ah an hrên. Evan. Mansingh chu a rawngbawlna le inzawmin thukhêla intum a ni a, Gonda (UP) ah Oct. 4, 2024 khan police station-a thuoi a nih.

08.11.2024 (Zirtâwpni)

- HCFD DoM&YA- I. HCFD DoM&YA Inkhâwmpui Vawi 15-na vawisûn hin hlawtling taka hmang a ni theina din. II. Thalai rawngbâwlna

bîkhai Lalpa'n tamlema mal a sâwm peina din. III. Thalai thuoiutuhaiin Pathien thuoina le malsawmna an dawng thar peina din.

09.11.2024 (Inrinnei)

- HCFD Nuhmei Deptt. rawngbâwlna: I. 2nd Saturday Inkhâwm-Inkhâwm Keihruoiu: Pi Mawite Khawbung, Tântu: Nk. Mawii Famhoite, Pathien Thucha Hritlu: Pi Chonghoi Inbuon. II. Nuhaiin taksa le thlarauah Pathien malsawmna an dawng thar peina ding le an rawngbawlna (Fai-thâm, Faith Promise le dang dang) hrat taka a fe zawm peina din.

10.11.2024 (Pathienni)

- HCFD Sunday School Lesson 12 (Daniel 12:1-13)-Thuoiu: Pastor Lalditsak Inbuon, Tântu: Nk. Mawii Famhoite, Pastoral Prayer: Pastor Lalditsak Inbuon.
- Chhattisgarh-a ringtu hnawchêpna hmasuon mekhai ta din: Oct. 6, 2024 khan Bastar-a Pastor Devicharan chu a rawngbawlna thaw zawm ta lo ding le a khuo a'nthawka fe hmang dingin ringnawtu le misuol thenkhatin nasa taka vauin an inthithei. Oct. 14, 2024 khan Janjgir-a Pastor Bamiya chu sakhua inletna thil le izawmin indiklo taka intum le police-ah hêkin a um.

11.11.2024 (Thawtanni)

- Bethany sikula naupanghaiin taksa le thlarauah malsawmna an dawng pei theina din. Abikin kohran naupanghai lekha thiem theina Pathienin a pêk ngêina din.
- Hari Vihar Centre-ah sùngkuoa ringtu, in det nei, iemani zât bêk an um theina din.

12.11.2024 (Thawleni)

- Shikohabad, UP-a rawngbawlna le inzawmin: I. Kohran mipuihai Pathien thutak hrietnaa hma sawna, thlarauaa inthangliena, puitling tieng an pan peina din. II. Kohran member-haiin mi

danghai kuomah Chanchintha hril dar nuomna lungril an nei peina din. III. Ringtharhai Lalpa'n an umna hmun sengah venghima a sukhrat peina ding le annihai fethlenga Chanchintha an dar zuol peina din. IV. Kohran member-hai an Hindu sung-le-kuohai le khawsa tlâng an nia, sung-le-kuohai laka khawsak dân an thiemna ding le ngirhmun dang danga khawm umdân an thiem peina din.

13.11.2024 (Nilaini)

•HCFD Nilaini Zân Tawngtai Inkhawm-Inkhawm Keihruoit:Pu Jacob Changsan, Thuhrlitu: Pastor Lalditsak Inbuon
•Ei Bible student Pu Lalngilnei Khawbung le Tv. Vijay hai an inchûkna fe tluong peiin, tulai hin 2nd Semester exam. tâwpna tak an nei mēk a, vawisûn khawn hin exam. an nei ding a nih. Hrisêlña tha Lalpa'n a pêkna ding le exam. tha taka an zo theina din.

14.11.2024 (Ningani)

•HCFD Executive Committee member-hai ta din
•Madhya Pradesh-a rawngbawltu thenkhat nêkchêpna tuokhai ta din-Oct. 12, 2024 khan Dewas-ah Pastor Dinesh le mi dang iemanizât sakhuo inletna thil le inzawma indiklo taka intum le hrênin an um. Oct. 20, 2024 khan Indore-ah mipui 1000 bâwr vêl inhâwrkhâwmin Pastor Arjun le a kohranhai chungah kut an thlâk a, mihriem iemani zât zet hliem an um pha. Oct. 20, 2024 khan Azamgarh-ah Pastor Raja Ram a rawngbawlna le inzawmin police-in an man.

15.11.2024 (Zirtâwpni)

•Shiv Vihar Mission Field rawngbawlna le inzawmin: Pathienin ei tawngtâina le tlawm taka ei rawngbawlnahai mal a sâwma, vawisûn chen rangbawlna kawt lien tak ami hawng pêka, ring thar ei pung pei. Baptisma chang ding mi 7 lai a mi pêk nâwk a, hung remchâng hmasa taka baptisma pêk dingin inbuotsai zing a ni a, lawmthu hril malamin tluong taka baptisma rawngbawlna nei a ni theina din.

16.11.2024 (Inrinni)

•Shiv Vihar Mission Field rawngbawlna: I. Oct. 22, 2024 hin kohranhai lai dân thienghlina in-nei ding an uma, tha taka hi hun ser hih hman ani theina din. II. Shiv Vihar Kohrana ringtharhai po poin Chanchintha hril hi an mawphurna anih ti inhrea, Pathien thlarau thienghlim anthawka hriet fiena thatak an nei pei theina din.

17.11.2024 (Pathienni)

•HCFD Chawibiek Inkhawm (Lalpa Zanbu)-Rawngbawltu: Pastor Steven L. Infimate, Tântu: Pi Remthangmawi Pastoral Prayer: Pastor Steven L. Infimate.

•Uttarakhand-a nêkchêpna tuok kristienhai ta din: Oct. 1, 2024 khan Udham Singh Nagar-ah ringtu 4 sakhuo inletna thil le inzawma thukhêlin intum an nih. Oct. 6, 2024 khan Laksar-ah Pastor Dhyaan Singh chu kohranhai inkhâwm a huoihawt leiin nasa taka inthi le vauin a um. Chun, hi ni bawh hin Haridwar-ah Pastor Vishwas chu san mumal um loa hrên le rawngbawlna dinga phalna sawrkâr thuneituhai a'nthawka la dinga hrlin a um.

18.11.2024 (Thawtanni)

•Pastor-hai (Lalsiesang Zote, Lalditsak Inbuon,

Steven L. Infimate, Lalthlanglien Sûngte, Ei Darngawn) le Upa Dr. Lalsiemlien Pulamte, Lalpa'n taksa le thlarauah hratna thara a'n thuum peina din.

•Jharkhand-a ringtu thenkhat hai ta din: Oct. 19, 2024 khan Hazaribagh-ah Pastor Dinesh rawia an inkhâwm lai misuol thenkhatin an chawkbui. Oct. 7, 2024 khan Beti-kuoa kristienhai chu kristien sakhuo mâksana an sakhuo hmasaa inlet nâwk dinga nasa taka inthi thei le nawrin an um.

19.11.2024 (Thawleni)

•India rama hin Chanchintha hrat lema a'n darzâu peina ding le misawnari le rawngbawltu dang danghai ta din: May 3, 2023 a'nthawka vawisûn chen Manipur buoina le inzawmin Biekin tamtak rawsietin a um tah. Thla 6 liemtâa Odisha-a sawrkâr thar a hung pieng a'nthawka kristienhai chungah tharum insuona a hluor nasa hle. State dang dang haiah ringtuhai chungah tharum insuona le thawluina chi dang dang a tlung inzing hle. Oct. 30, 2024 khan Chhattisgarh ah kristien 14 haiin kristien sakhuo an bân-san nuomnaw leiin na taka sawisakin an uma, an lu le ru haiah hliem an tuok nasa êm êm. Hienga sawisaka an um lai hih police-in an hmu zinga chu iengkhawm an thaw nawh. Hieng dodalna le hnengdena nasatak kârah hin kristien NGOs le misawnari/pastor hai kut Lalpa'n a sukhrât peina ding le sukdûdâna tuok kristien-hai sukhrâta an um peina din.

20.11.2024 (Nilaini)

•HCFD Nilaini Zân Tawngtai Inkhawm-Inkhawm Keihruoit: Tv. Fimruolsung Infimate, Thuhrlitu: Pastor Lalsiesang Zote.

•HCFD-in IEM-a misawnari ei support Rev. Suraj Majhi le a sûnghai (Bathinda Mission Field, Punjab a rawngbawl) ta din. Ringnawtuhai lakah Lalpa'n a venghim peina ding le ringthar pêk belsaa an um peina din. An nauhai Mr. Samarth le Mr. Samarpan haiin an lekha inchûkna tha taka an thaw pei theina din.

21.11.2024 (Ningani)

•Shikohabad, UP-a rawngbawlna-I. Naupang Tuition rawngbawlna Lalpa'n mal a sâwm zawm peina din. Naupanghai lêkha tiem inhnika le lungril hrâtna Lalpa'n a pêkna din. Sande Sikul naupanghai khawm Pathien ditdân anga an in-thanglien peina din. II. Music class (guitar, congo) Lalpa'n mal a sâwm peina din. III. Tui (water connection) a um vatna din. IV. Pathienin biekin mi venghim pêka, biekin kawla khawsa vaihai leh khawm buoina iengkhawm a um nawna din.

22.11.2024 (Zirtâwpni)

•Hmar hnam ta din: I. Hmarbiel & Vangaitlâng (Manipur)-Mizoram infepawna lampui tha a hung um vat theina din II. Inchûkna le fâk-le-dâwn thilah hratlema hmasawna III. Inruithei ngawlvawinaa (drug addiction/abuse) intâng abiktakin thalai tamtak hai chu inruithei a'nthawka an hung zalên theina din IV. Hnam thuoituhai ta din V. Manipur buoina le inzawmin inthuruol taka hnamin kal a chawi theina din.

23.11.2024 (Inrinni)

•Ei misawnari haiin (Pu Lalngilnei Khawbung,

Pu Vanlaltlan Amaw, Pu Paozamuan, Pu Pramod Kumar hai sùngkuo) Pathien sukhratna le thawpuina a'n dawng thar peina ding le Chanchintha hrlidarna hmangruoah nasa lema hman an ni pei theina din.

24.11.2024 (Pathienni)

•HCFD Sunday School Exam.-Keihruoit: Upa Dr. Lalsiemlien Pulamte, Tântu: Pi Mercy Khawbung, Pastoral Prayer: Upa Dr. Lalsiemlien Pulamte.

•HCFD Media Team le Worship Team member-hai bika din: An rawngbawlna/hmalâknahai hlâwk taka a fe zawm peina din.

25.11.2024 (Thawtanni)

•HCFD Vêngbuk Inkhawm a Thuoituhai ta din.
•Ei hmun thubui (land case) sukfel a ni vat theina ding le biekin ei hung nei vat theina din.
•HSA Jt. Hqtrs. Delhi le DHWA thuoituhai ta din.

26.11.2024 (Thawleni)

•Rampuo: Myanmar ramah mipui insâwrkârna a ngîr nâwk theina ding le India the-num ramhai ah (Pakistan, Sri Lanka le dang dang) remna le muongna a um pei theina ding le Chanchintha an darzâu peina din.
•Tuolsûng: Delhi le a sevelah boruok inthieng/fai a um theina din. Boruok bal tak kârah ei naupang inchûklai, taksa dâwng tak tak haiin, hrisêlña tha an nei theina din.

27.11.2024 (Nilaini)

•HCFD Nilaini Zân Tawngtai Inkhawm-Inkhawm Keihruoit: Tv. Christopher Lalbuonsang Inbuon, Thuhrlitu: Pu Immanuel Khawbung.
•Shikohabad, UP Mission Field: Thalai hmun dang danga sinthawa umhai Lalpa'n a venghim sengna din. Sin nei lohah khawm sin an hmûna din. Lêkha inchûkhai hlawtlingna an changna dingin. Kawppui tha khawm Lalpa'n a pêkna din.

28.11.2024 (Ningani)

•Ei member Nk. Ruth Zoṭahnieng Sinate rawngbawlna (Parvah Tuition Centre): Naupanghai an lekha inchûkna tha taka an sunzawm pei theina din. Inchûkna tienga hnufuol/hrâtnaw zuol bîk (very slow learners) haiin an lekha inchûkna an thaw fan fan theina din. Naupanghaiin Pathien hmangaina chieng taka an hrietna ding le Bible stories an ngaitlâkhai chieng taka an hriet thiem theina din.

29.11.2024 (Zirtâwpni)

•Shikohabad, UP Mission Field: I. Shikohabad le a sevêlah Chanchin tha a'n darzâu peina din. II. Sivara, Farrukhabad hmunah Pi Rajrani fethlengin Pathienni inkhâwmna nei hlak a ni a. Inkhâwmna a fe tluong peina din. III. Lilma-a Pi Reshma fe thlenga inkhâwmna a hlawtling peia, member khawm an pung pei. Pathien thutaka keihruoina kawngah Pi Reshma'n varna le remhrietna tha tak a nei peina ding le a hrisêlna khawm Lalpa'n a siem tha pêk peina din.

30.11.2024 (Inrinni)

•Thla tâwp thuoitlunga ei um leiin Pathien kuoma lawmthu hrlina.
•Sulthuphachawina (1 John 1:9-10) le Pathien kuoma inhlantarna (Rom 12:1-2).

Please visit HCFD official website:
<https://hcfid.in/>